

Transparency International u Bosni i Hercegovini raspisuje

JAVNI POZIV ZA PRIJAVU NA POZICIJU EKSTERNOG EVALUATORA

Podaci o projektu:

- Projekat: "Accountability Platform" (Platforma Odgovornost)
- Mjesto rada: Bosna i Hercegovina
- Trajanje projekta: 36 mjeseci
- Trajanje angažmana eksternog evaluatora: 1. oktobar 2026. – 31. januar 2027.
- Referentni broj: 2023/452-273

A. Pozadina i ciljevi projekta

"Accountability Platform" (Platforma Odgovornost) je projekat koji implementira Transparency International u Bosni i Hercegovini (TI BiH), u partnerstvu sa Udruženjem građana "Zašto ne" i Balkanskom istraživačkom mrežom Bosne i Hercegovine (BIRN BiH), uz finansijsku podršku Evropske unije.

Projekat je osmišljen kako bi se adresirala pitanja odgovornosti i korupcije u Bosni i Hercegovini. Kroz ovaj projekat, partneri kombinuju tehnologiju, stručne analize, angažman građana i izgradnju kapaciteta kako bi uspostavili jedinstven front za praćenje i monitoring.

Glavni ciljevi projekta:

- Osigurati podršku antikorupcijskim reformama i unapređenju mehanizama integriteta pružanjem relevantnih prijedloga i dijalogom sa svim relevantnim akterima.
- Doprinijeti jačanju odgovornosti kroz aktivni monitoring institucija, javnih zvaničnika i političkih partija od strane civilnog društva.
- Artikulisati zahtjeve građana kroz otvoreni dijalog sa donosiocima odluka i pozivanje institucija na odgovornost informisanjem javnosti o korupcijskim rizicima.

Kako bi ocijenio učinke i ispunjenost ciljeva projekta, TI BiH ovom prilikom raspisuje poziv za dostavljanje ponuda za provođenje eksterne evaluacije projekta, čiji su detalji i ciljevi opisani ispod.

Detaljnije informacije se nalaze u prilogu: Opis zadatka

B. Obim posla eksterne evaluacije evaluacije

Učešće u javnom pozivu je otvoreno pod jednakim uslovima za sva fizička i pravna lica. Finalna evaluacija koju sprovodi eksterni evaluator treba analizirati ključne nalaze, dostignuća i preporuke u vezi sa sljedećim kriterijumima:

- Efektivnost: Step en do kojeg su ostvareni navedeni ciljevi projekta i ciljani rezultati definisani logičkim okvirom (npr. doseg platforme, rezultati podgrantova, prijedlozi javnih politika, pravna pomoć).
- Održivost: Vjerovatnoća da će se rezultati projekta (Platforma odgovorno.st, neformalna mreža organizacija civilnog društva i prijedlozi javnih politika) nastaviti nakon završetka projekta.
- Relevantnost: Prikladnost dizajna projekta, metodologija i alata za praćenje u odnosu na potrebe i stanje korupcijskih rizika u BiH.
- Efikasnost: Poštovanje planiranog vremenskog okvira, iskorištenost resursa i isplativost projektnih aktivnosti.
- Koherentnost: Eksterna koherentnost (sinergija sa prioritetima EU i drugim antikorupcijskim inicijativama) i interna koherentnost između tri partnera u implementaciji.

Od evaluatora se očekuje da identifikuje naučene lekcije iz projekta i dokumentuje najbolje prakse koje se mogu koristiti u budućem radu na praćenju i zagovaranju borbe protiv korupcije.

C. Zadaci

Zadatak	Opis zadatka	Isporučeni rezultat
1. Metodologija evaluacije i pregled dokumentacije	Pregled projektne dokumentacije (aplikacija, narativni izvještaji, podaci platforme). Izrada detaljnog Plana finalne evaluacije uključujući kriterijume, pitanja i alate za prikupljanje podataka.	Finalni plan evaluacije i metodologija
2. Prikupljanje podataka i konsultacije	Kvalitativno i kvantitativno prikupljanje podataka sa ključnim akterima: osobljem TI BiH, Zašto ne, BIRN BiH, sub-grantiranim OCD, medijima, institucijama (do 20 intervjua).	Završeni intervjui sa akterima, ankete i fokus grupe
3. Procjena ciljeva logičkog okvira	Evaluacija konačnih ostvarenih rezultata u odnosu na polazne i ciljne indikatore definisane u logičkom okviru projekta.	Tabela analize indikatora logičkog okvira
4. Izrada nacrt a izvještaja	Priprema sveobuhvatnog Nacrt a finalnog izvještaja o evaluaciji i dostavljanje partnerima na uvid.	Nacrt finalnog izvještaja o evaluaciji

5. Dostava finalnog izvještaja	Inkorporiranje povratnih informacija i dostava završenog Finalnog izvještaja najkasnije do kraja januara 2027.	Finalni izvještaj o evaluaciji
--------------------------------	--	--------------------------------

Detaljnije informacije se nalaze u prilogu: Opis zadatka

D. Vrijednost ponude i uslovi plaćanja

Vrijednost ponude ne smije preći bruto iznos od 11.500 EUR. Predložena cijena mora biti fiksna, izražena u evrima, i pokrivati sve troškove neophodne za ispunjavanje zahtjeva iz ugovora, te nije podložna promjenama.

- Za pravna lica: Cijena mora biti izražena bez PDV-a.
- Za fizička lica: Cijena mora biti izražena kao bruto iznos koji uključuje sve zakonske poreze na dohodak i doprinose.

E. Kvalifikacije i uslovi za kandidate

Kandidati moraju ispunjavati sljedeće uslove (koji su eliminatorni prilikom procjene):

- Univerzitetska diploma
- Odlično poznavanje engleskog i lokalnih jezika u Bosni i Hercegovini.
- Najmanje 10 godina opšteg profesionalnog iskustva.
- Najmanje 7 godina iskustva u radu na projektima koje finansiraju međunarodni donatori (iskustvo sa EU grantovima predstavlja značajnu prednost).
- Najmanje 3 godine iskustva u upravljanju projektnim ciklusom (PCM).
- Najmanje 3 godine iskustva u praćenju i evaluaciji (M&E) programa civilnog društva, dobrog upravljanja ili antikorupcijskih programa.
- Najmanje 3 godine iskustva u saradnji sa organizacijama civilnog društva ili njihovoj evaluaciji.
- Dokazano poznavanje društveno-političkog pejzaža i stanja u oblasti borbe protiv korupcije u BiH.

Napomena: Evaluator mora biti nezavisan od implementacionih partnera i bez potencijalnog sukoba interesa. Ponude će se vrednovati na osnovu referenci, iskustva i predložene metodologije (60%), te finansijske ponude (40%).

F. Način podnošenja prijave i rok

Svi zainteresovani kandidati trebaju dostaviti sljedeću dokumentaciju:

- CV (biografiju) predloženog eksternog evaluatora;

- 2 preporuke i reference sa potpunim kontakt informacijama sa prethodnih evaluacijskih zadataka;
- Opis metodologije;
- Finansijsku ponudu (izraženu u evrima, bez PDV-a za pravna lica / u bruto iznosu za fizička lica).

Prijave se dostavljaju isključivo putem e-maila na adresu: **info@ti-bih.org**, sa naznakom u naslovu (Subject): **"Prijava na javni poziv za poziciju Eksternog evaluatora"**.

ROK ZA DOSTAVLJANJE PRIJAVA: 2. septembar 2026. godine do 16.00 časova.